

常山貞石志

常山貞石志卷十三

諸授朝議大夫直隸正定府知府今調廣平府知府前署大順廣兵備道沈濬謨

宋三

解某造羅漢題記

記刻座上座高四寸廣五寸六行行字不等  
正書政和四年五月十五日造今在行唐縣

解門口口口口漢一堂十六尊合家供養

政和四年五月十五日記

封崇寺創鑄鐘記

碑高六尺八寸五分廣二尺八寸五分上截刻記並  
銜名共二十七行行二十五字下截題名二十七行  
行字不等額題大宋真定府行唐縣封崇寺創鑄鐘  
之記十六字並正書宣和三年四月二十四日立今  
在行唐縣  
封崇寺

大宋真定府行唐縣封崇寺創鑄鍾記

長老講經論文慧大師繼重 撰并書

伏聞周王踐祚 聖慈出化於西方 漢帝龍飛大教  
流傳於中國式彰無為之法原崇至善之宗是蠢動以  
舍靈乃咸遵於佛性及後縣厯累代像法崇修迄有

聖朝至化式九圍而康靜秩百祀以齋莊恭欽釋教  
之門啓迪真靈之貺群氓歸善庶類咸圍伽藍建於萬  
州精舍修於天下茲寺者三門前望正殿當陽像閣巍  
巍塔凌霄漢講堂寢室中衝兩挾厨庫寮室相連方位  
僧宇高敞精華長簷尊容大殿聖真半千兩廊輔翼悉  
皆嚴飾僧吟梵詠磬韻相和萍遊緇徒旦宵常託鄉郭

人議唯闕乳稚一日王匠語僧福慧曰師若肯寧不費  
有成福慧喜然偶斯同志遂擇良地匠之刻模留勞營  
求諸舍所用政和二年夏四月念日炒安十所鍋銘一  
千五百工扇通宵燒空炭焰拂汗三盆觀人及萬鼓聲  
齊注一無塞滯湏臾析模不有纖缺自尔又營漸漸力  
成懸之時擊式贊皇基之永固福懷生而去禍來  
祥此假厯任官寮坊郭檀信始終垂護而致光陰逆  
速時移事異聊紀其實用彰來者云尔

時宣和三年歲次辛丑四月癸巳晡二十四日戊子  
立

鐫鍾蓋鍾樓僧福慧

尚座請經洪濟大師福海 中山府匠人楊仲刊

市戶官人王

市戶承信郎楊名

承郎郎監市易務兼抵當庫鄭郭

保義郎縣尉專切管勾教閱保甲仇

迪功郎主簿權縣丞專切管勾教閱保甲鄭

忠訓郎監酒稅劉

承議郎知縣管勾勸農公事兼兵馬都監專切管勾教

閱保甲賜緋魚袋姚

右  
上  
裁

下截僧衆名不錄

右記繼重撰並書文尚雅飭而字跡劣甚紀年後廢  
名諸人並無攷列銜有監市易務及市戶市戶官人  
諸名攷宋史食貨志市易之法起於熙寧二年王安  
石建議立均輸平準之法三年保平軍節度推官王  
韶倡爲緣邊市易之說丐假官錢爲本安石力主之  
五年置市易務於京師嗣後諸州府軍陸續置務真  
定之置市易司在八年二月元豐八年八月詔諸郡  
抵當取息簿可濟民乏者存之其餘抵當并州縣市  
易並罷紹聖四年復置元符三年又罷改名平準務  
崇寧五年郡縣應置市易者凡歲收息官吏用度之  
餘千緡以上置官監五百緡以上令場務兼領餘並

罷市易之法聽人賒貸縣官貨財以田宅或以金帛  
爲抵當三人相保則給之皆出息什分之二過期不  
輸息每月更加罰錢百分之二通攷熙寧五年中書  
奏市易務許詔在京諸行鋪牙人充本務行人牙人  
案碑所稱市戶市戶官人疑卽本務行人牙人之類  
石香爐題記

記刻座上高一尺四面每面廣三寸五分十四行行  
字不等正書宣和六年閏三月十八日造今在元氏  
縣西吳村  
龍王廟

水渌菩薩

三娘子廟

真定府元氏縣甘泉鄉吳村元建廟六十餘年到今合

村人供訖做造石炉一坐永為供養 年長吳顏 郝

振 吳琪 吳苕 許誠 趙智 時定 靈俊 曹

小大 王進 吳道 時俊 吳仙 時演 □□

宣和六年閏三月十八日記

做時米麦每斗價錢伍伯伍十文

都維那頭趙昇

副維那頭梁榮 父梁通

副維那頭苑贊 母趙氏

副維那頭趙德

□維那頭宋仇 父宋華

石題記當時鄉曲小民所造故字多俗體古作有佐



音俚俗從人從故之字不見字書據此則北宋時已  
有此俗體其爐之作炉則尤鄙俚之甚者

桂府觀察判官某君墓志殘石

殘石高二尺廣一尺八寸存二十四行每行  
約二十二三字正書年月缺今在元氏縣

宋故桂府觀察判官口君墓口銘

第二行  
全缺

缺書

公諱缺幾字累缺遠上缺以自公己缺士口缺即下

以上度掌缺因缺不及口于上六缺以民口下缺口缺下

以上行上公白上八缺以上口上九缺以上共上下缺以上

七行上缺下十二缺十三行全缺口上四行缺而口上缺

十五入缺口口啓口下缺以上十六行全缺上十二月

五日下缺上四下缺以上二十行全缺上其缺女口歸于

口口下缺以上二十一全缺孝行口口口口缺乃託從子以上

二十上缺卜地缺口下缺以上三行

右墓志銘已爲元人磨去舊文橫刊重修神應王廟

記於上微辨之始知宋人墓志既遭剗毀隱約尚存

二十四行凡其人之姓名事蹟卒葬年月及書撰人

姓名不可辨惟首行標題作宋故桂府觀察判官口

君墓口銘其餘每行僅見一二字攷之元氏縣志不

載宋時有官桂府觀察判官者宋史地理志廣南西

路有靜江府本桂州始安郡靜江節度大觀元年爲

大都督府又升爲帥府舊領廣南西路兵馬鈐轄兼  
本路經略安撫使職官志募職官觀察使有判官謝  
維新台壁事類後集國朝有兩使防團軍事推判官  
皆以選人充太平興國中以贊善大夫十五員充諸  
路節度此簽判所由始也蓋選人則爲判官京官則  
爲簽判或爲簽書判官又國朝沿五代之制兩使置  
判官推官各一人元祐令京府判官至軍監判官爲  
幕職官皆從八品政和自判官至諸曹改爲士戶儀  
兵刑工曹據此碑猶作判官當是政和以前所刻矣  
清公大師舍利陀羅尼經幢

幢高二尺五寸八面每面廣五寸五分第一面題特  
清公大師舍利陀羅尼經幢二

十字二行第二面至六面刻經文每面六行行十字  
四字第七面題名六行行字不等第八面題名一行  
並正書無年月  
今在獲鹿縣

佛頂尊勝陀羅尼啓請

□說佛頂尊勝陀羅尼曰

唐開元 朝灌頂國師和尚□□試鴻臚卿開府儀

同三司肅國公食

約缺七字二百戶贈司空謚大辯符缺十四字

字奉 詔譯

經文不錄

本院□□僧廣□□□軍胡諫 長男廣智次男

廣□

勅賜寶勝禪院

當院師叔前長老化緣弥勒佛閣功德主僧□義

師兄本院長老住持福園殿賜紫沙門廣興 師弟僧

廣富 廣悟

廣臻 門人講大乘百法明明□沙門福行 師姪廣

恩 信進 □容

寓居 真定府□□院講經釋福海 開元寺僧法行

華嚴寺僧寶□

新羅院前三翻管内僧正講演雕造華嚴經論皇宋藏

□賜紫圓證大師法辯 承

重施香亭

善人梁大成

右幢無書人姓名其譯經僧人銜名亦殘缺不全惟見國師和尚試鴻臚卿開府儀同三司肅國公云云攷唐僧封肅國公者惟三藏不空唐嚴郢不空和尚碑稱其在元肅代三朝皆爲灌頂國師代宗初特進大鴻臚及示疾不起就臥內加開府儀同三司肅國公錫法號大廣智三藏及滅度京師大興善寺贈司空追謚大辯正廣智三藏和尚冊府元龜載其贈官詔與嚴碑正同此幢國師上兩字當是灌頂灌頂上數字不可辨和尚下二字當是特進食字下當是食邑戶數大辯下缺者是正廣智三藏和尚不空九字明王圻續文獻通攷云代宗大曆七年興善寺僧特

進試鴻臚卿三藏不空獻所譯佛經特許編入一切  
經目此經當亦在其內案佛頂尊勝陀羅尼經咒宋  
以前刻石者多用杜行顓及佛陀波利譯本今現行  
刻本藏經莫字函內第四冊有陀羅尼經三卷一是  
杜行顓譯一是佛陀波利譯其中天竺三藏法師  
地婆訶羅所譯佛頂最勝陀羅尼經也不空譯本今  
大藏中不收知彼教經本散佚者亦多矣幢無建立  
號年有皇宋藏口賜紫圓證大師法辯又有寓居眞  
定府口口院講經釋又有開元寺僧華嚴寺僧紫眞  
定府宋初名鎮州慶園八年始置眞定府則此幢當  
造於慶園八年以後行唐縣宣和三年封崇寺鐘

記題名有尚座講經洪濟大師福海未識卽此幢之  
福海否開元寺當卽真定之開元寺華嚴寺未詳所  
在輒因葬清公大師舍利而建而清公之行事無攷  
寶勝禪院獲鹿縣志亦不載

金

### 奇石山磨崖記

高五尺廣五尺五寸四十三行行三十字正書篆額  
天會十五年十月十五口刻今在獲鹿縣西北奇石  
山上

### 奇石山磨崖記

### 奇石山磨崖記

朝散大夫尚書虞部郎中權知棗城縣事鞏伯堧撰



文林郎尚書都官員外郎權知獲鹿縣事王珣書

文林郎太子校書郎守獲鹿縣丞郭宗益篆額

太子右翊衛校尉知獲鹿縣尉趙炳溫同建

獲鹿自漢以來號稱名邑邑之西北粵有含滋吐潤濃  
翠如勻不險不爽獨秀而野按之圖經寔所謂奇石山  
也環邑皆山而山之大者青嶂碧巖雲岫煙嵐戔戔萬  
疊一帶屏列而危巔峻嶺又且連亘重複有弗絕者宜  
睥睨此山爲迤邐而不足道然境勝地靈特爲逸人高  
士所愛固異乎它山也里人好事者曹龍劉清於山之  
阿穴石爲二洞命其名曰純陽曰脩真學道者居焉洞  
之頂有地爽塏坦然如砥平廣袤百步冠褐之侶因議

其所以起建 三清殿以崇奉高真其徒五六人與夫  
掌化緣者分遣四方未幾邑境鄰封人皆輻湊信心喜  
施財無所惜而富者車載貧者肩擔雜沓而來唯恐其  
後由是鳩材僱工閱數月告成巍然突兀屹立於上衆  
所欽戴也願不違歟初無草木如配道衆手植數樹力  
於栽培柔枝弱幹今漸扶疎掩映綠陰頗增氣象然則  
殿之建也豈徒示薨楠之壯嚴赭堊之藻飾以為衆人  
觀美哉蓋使之登其庭瞻仰繪像而咸起好善之心焉  
先是殿之始基也其種種靈跡所以信於人者固難以  
縷陳而悉數之試舉其略以表希異村民有張氏者  
乃富農也榆數株方茂許施其一以為之材後斬吝意

不副所願化緣渠長欲以錢易之亦不肯售越三日擊  
電迅雷駭人耳目大風飄屋雨淫如傾轟然霹靂不知  
其所從來拔張氏所許樹□去枝條其家驚惶遽載而  
施焉泊泊日之良扶木以構則適當務農之時從事東  
作者頃刻弗得息嘗欲借人以助役至是辭以無暇道  
衆彷徨四顧茫然失措者久之方慮勝緣艱阻不旋踵  
濃雲布野雨亦隨降而執耕布種者不能趨田畝於是  
竭蹶以赴期會人遂雲集隆棟巨梁成於羣造既構則  
天乃開霽變化之道孰能測究梵工作之興也先於南  
坡下取土以供其用人之登躋疲勞方苦其難忽有一  
褒衣老叟謂其人曰此山之鞍其上有土甚廣何必遠

去以重因爾遂以杖指示叟導而前乃至其所斲去蒸  
根果得厚壤十數步內一無拳石蓋惟土功之□自起  
址至于塗墍朽鏝因是取足力不乏而功倍以省纂樁  
之役美哉斯事也道衆忻然共延於座方烹茗以謝其  
意俄失所在衆皆竒之法師龐居士安以道行住持  
率其徒成此善緣躬自董工勞且不憚至誠所動有感  
必通是故始於繕營則有賴人爲及其畢事□致獲神  
助其於真筌正教又能宣揚之而通園究微深造本原  
綢繹冲科敷□□範而以之開悟衆人使知趨向也一  
爐香火安置清壇幡蓋具陳花燈間列吟詠□咒執節  
行道而持誦之力垂惠一方期於無天灾無物癘雨暘

時叙五穀農穰俾人人多種福□咸躋壽域願豈小補  
哉蓋余製時與龐為學校友而縣令王公都官亦有同  
年契因殿之落成也欲刊諸崖石而紀之以垂永遠求  
□余記義不得辭余昔為布衣時長邑庠者殆數歲矣  
每因暇日憑覽此山之勝故余喜導其事而為文也天  
會十五年十月十五日記 鹿泉南亭刊

河北西路都□□□□判□特授賜紫澄□大師□  
□河北西路□□錄判官特授賜紫達□大□□

善應

□□□□□□□□□□純陽洞賜紫□□□  
□□前□□□□□□□授賜紫□妙大□□□

上□□□□□□□□□□  
 却抱永直歲□□□□□□  
 和

太子右翊衛校尉前酒稅都監周元宰 右班殿直前

定州酒稅都監封倚 本縣監酒稅判官李謙

在縣左班殿口杜已右承制前主簿趙通左班殿

直劉政 左班黑直孫正

典史陰義  
書佐口誠  
書佐安成  
口口康簡  
書

佐孫賢

碑後捨財人名

善衆同發願心

各捨淨財塑造供養歸依永祈福祐

人名不錄

右記鞏伯璵撰王琯書郭宗益篆額趙炳溫同建案  
金熙宗以天會十三年正月嗣位不改元仍稱天會  
十三年至十五年十二月始詔改明年爲天眷元年  
見熙宗本紀碑書天會十五年正與史合奇石山獲  
鹿縣志山在縣西北二里許石清潤可爲碑碣山脈  
自虎山東北逕邇而來環繞城郭上有元人磨崖記  
卽此刻也碑爲金刻而志稱元人誤伯璵琯宗益炳  
溫俱無攷伯璵列銜爲尚書虞部郎中琯列銜爲尚  
書都官員外郎宗益列銜爲太子校書郎炳溫列銜  
爲太子右翊衛校尉皆不見金史百官志案志稱撰

官之制自平州人不樂爲猛安謀克之官始置長吏  
以下天會四年建尚書省遂有三省之制至熙宗頒  
新制及換官格除拜內外官始定勲封食邑入銜而  
後其制定然大率皆循遼宋之舊云云攷熙宗頒行  
官制在天眷元年八月卽磨崖刻記之明年也百官  
志於熙宗以後之制頗詳而於天會初之設官甚略  
蓋亦雜采遼宋之舊矣又金志東宮官有左右衛率  
府右翊衛校尉疑卽其屬官又志云散官高於職事  
者帶行字職事高於散官一品者帶守字二品者帶  
試字品同者皆否案文林郎正八品上縣丞正九品  
宗益以文林爲獲鹿縣丞散官高於職事宜題曰行



此題守者蓋天眷以前官制尚未盡一故與史有異

同也記後銜名可辨者有河北西路都勅五判字口特

授賜紫澄口大師口口又有河北西路口口錄判官

特授賜紫達口大口口善應第二行有勅上純陽洞賜

紫下勅又有前勅七授賜紫口妙大勅三諸字案正

定龍興寺大定二十年廣惠大師經幢銘云師皇統

二祀保充副錄二僧列銜是河北西路都僧錄判官

無疑都僧錄爲帥府僧職判官卽其屬員大全國志

有僧錄而無都僧錄及判官此其漏略矣此後列銜

有前酒稅都監右班殿直前定州酒稅都監本縣監

酒稅判官在縣左班殿直右承制等官酒稅都監係

都麴使司屬官見百官志又志云凡京都及眞定皆爲都麴酒使司他處酒使司課及十萬貫以上者設使副小都監各一員五萬貫以上者設使副各一員三萬貫以上者設使及都監各一員不及三萬貫者爲院務設都監同監各一員不及千貫之院務設都監一員而無監稅判官之職又左右班殿直及右承制亦皆金志所無案宋史職官志武選官使臣班有內殿承制左右班殿直政和二年改內殿承制爲敦武郎左班殿直爲成忠郎右班殿直爲保義郎碑題右承制當卽內殿承制金蓋采用宋武選舊格而又析承制爲左右兩階耳

定林通法禪師塔銘

碑高五尺五寸廣二尺五寸五分二十六行行五十字額題定林通法禪師塔銘八字並正書貞元元年四月二十五日立今在正定府治西北後寺

真定府十方定林禪院第四代傳法住持賜紫通法大師塔銘

朝請大夫前行磁州滏陽縣令騎都尉太原縣開國男食邑三百戶賜紫金魚袋王琯撰并書

中憲大夫前河東南路轉運副使上騎都尉上谷縣開國子食邑五百戶賜紫金魚袋成家亨題額

□□□□姓米氏本府獲鹿縣人世以務本為業生有異相少善惡於襁褓間逮總角諸童稚戲於壠上見

師至則息喧力作□□□特立之操見於幼年父母異之十五歲捨從釋子游二十二歲受具禮天國昭禪師為師一日謂師曰汝相貌行藏非常□□諸方叢席止漂棲蘊之誦不可不知也乃之汴見淨因覺禪師法雲果道者丹霞淳禪師皆以法器許之後叅隨州大洪恩禪師針芥相投得失俱亡了無餘事請充侍者凡五年其立規定矩更數住持竟不能少易者

師與有力焉大洪天下名山也有二聖者化□給衆威靈可畏瀆之則禍隨至山門欲收塑其像衆猶豫不決師毅然曰成毀有數何懼之有尋擊碎之衆議乃定後師有徧游意遂辭大洪以偈送行而印可之

意甚明

師逸邈復還里閉掛錫金牛時真禪師方

主法席請作座元儀刑雲衆凡十餘年終始如一內外  
準繩不約而行四方叅學咸聞道譽而訪之

本朝天會四年撫定鎮陽

元帥一見而奇其人奏

賜號曰究理至七年定林虛席諸禪列薦於府  
堅請乃從而果承嗣大洪焉定林舊無儲積魚鼓寂然  
堂舍頽廢師住不數年齋糧盈屋方丈廊廡煥然  
一新雲水之士繼踵而來清規大振如負薪汲水皆身  
先之真禪師僧錄秩滿當選代者府僚暨諸僧尼皆曰  
非師不可衆集舉請累日勉從奏

賜紫衣

易師號曰通法七年之間無纖芥煩擾衆畏公清不敢

犯毫髮護持教門一路賴之

師範行峻整器宇寬

闊心剛志堅性直明敏自為僧至出世未嘗妄許可人  
丈室中惟以紙帳蔽臥帟衾禦寒三事之外布衣而已  
隱室入室每舉古人公案勘問學徒其語四達琅琅如  
也天眷三年四月二十日示疾居士秘孝廉者執侍

師疾夙夜不怠因發問曰四大本空五蘊非有病從  
何來 師曰你病我不病秘亦領悟二十四日

師令設無礙大齋院門簿書事無巨細悉決之嘗置雜  
役四人始許之曰我若不住汝等從良是日果釋之曰  
晚沐浴更衣端坐天明索杖拂而化二十八日荼毗土  
庶送者萬計靈骨五色舍利得於焚所素無信心者悉

歸嚮焉建塔於城西昭禪師塔之側俗壽五十九僧臘  
三十七度弟子二人曰悟徹悟超嗚呼雙林坐化隻履  
言歸從來諸聖報緣已盡示生滅法人知其然而不知  
其所以然雖千佛出興于世而結舌有今此又非語默  
所可及者 師圓寂之後十有餘年碑石未立悟超  
欲廣 師之德以垂不朽持僧正觀所作行狀見索  
紀述義不獲辭而糸之以銘曰

梵相堂堂 晴峯聳碧 梵音琅琅 秋濤觸石 一  
葦渡江 徧遊叢席 三篋束腰 忘軀探賸 悟旨  
洪山 神珠烜赫 既露囊錫 獅子返擲 騰辭江  
左 開道鎮陽 蘊奧莫測 得喪俱亡 橫身為衆

援臂剝腸 性天鳥兔 法宅棟梁 無何天厄

奄尔丹藏 蔭荷花飛 梅檀伎折 緇侶香塵 波

旬足悅 妄情執著 徒白分別 不生不死 無古

無今 清風拂塔 朗月穿林 幾我常山 瀾漫渾

水 刺文斯碑 億劫同此

貞元元年四月二十五日 中都仰山棲隱禪寺

傳法住持比丘師孫法寶立石 常山段繁男段

順段飄婿張堪同刊

石塔銘王琯撰并書成蒙亨書額蒙亨無攷王琯與

天會十五年書奇石山磨崖記者當是一人王成二

人一封太原縣男一封上谷縣子金史地理志無上



谷太原二縣蓋皆以其郡望封之耳十方定林禪院  
府縣志無其名案此碑今在正定府治西北後寺大  
殿後後寺與前寺本一寺殿宇頽廢遂有前後寺之  
稱卽志所云舍利寺是也唐開元中葬金牛禪師舍  
利於此其塔見在後寺殿西數武志云明太祖成祖  
相繼命江夏侯取舍利二萬餘粒成祖仍命新其殿  
塔寺名舍利疑卽起於明矣寺在元名大萬歲禪寺  
有元憲宗二年尊勝經幢及至順元年虞集書萬歲  
禪寺莊產碑可證此碑有師還里開挂錫金牛之語  
知宋金之際寺名金牛蓋取寺中金牛禪師塔爲名  
定林當是寺中之別院天監昭禪師無攷碑云師葬

於城西昭禪師之側據此則所云天園者當是今府  
治東之天園寺今寺宇傾圯殆盡木塔猶存志云寺  
建於唐咸通初者是也王圜文獻通攷方外攷釋  
家法嗣載青原下十一世投子青禪師法嗣有隨州  
大洪山報恩禪師黎陽劉氏子無盡居士張商英嘗  
叩三教師謂三教一心同途異轍又青原下十二世  
芙蓉嶺禪師法嗣鄧州丹霞子淳禪師劍州賈氏子  
宣和己亥春寂塔全身於洪山南又東京淨因自覺  
禪師青州王氏子始住大乘崇寧間詔居淨因又南  
嶽下十三世寶峯文禪師法嗣有東京法雲佛智果  
禪師蓋卽碑所云淨因覺禪師法雲果道者丹霞淳

禪師大洪恩禪師也果疑卽杲字之訛又續通攷載  
大洪恩禪師法嗣二人曰大洪守遂禪師曰大洪智  
禪師無通法名銘後題中都仰山棲隱禪寺傳法住  
持比丘師孫法寶立石金史地理志中都路遼會同  
元年爲南京開泰元年號燕京海陵貞元元年定都  
以燕乃列國之名不當爲京師號遂改中都畿輔通  
志云仰山在宛平縣西北七十里又棲隱寺在宛平  
縣仰山金大定十二年建又續通攷大定十二年正  
月勅建仰山棲隱禪寺命元冥顯公開山賜田設會  
度僧萬人據碑知仰山本有棲隱寺但不知建於何  
時續通攷諸書謂寺建於金大定間者爲也蓋至大

定開其寺始大其名遂著爾

開化寺僧文海舍利塔銘

塔高三尺四寸五分八面每面廣六寸七分第一至第四面刻經第五第六面刻序銘餘二面題名行數字數不等並正書貞元元年十月十五日立今在元氏縣同化寺天王殿前

佛頂尊勝陀羅尼經

經文不錄

大金開化寺建殿都功德僧海師舍利塔銘

并序

汴陽李口撰并書

師俗姓何氏法諱文海實真定府之元氏重安保人師生知仁讓幼脫塵勞宋政和三年春口口得度禮本寺上生院懷慶爲師戒律甚嚴師以默照爲心勤捨是行

不談人之非是待貴賤□□重修之餘寧無他慮真物  
外人也天會八年冬一日作大齋會請諸徒曰本寺九  
間殿幾千百□昨經兵火焚毀殆盡惟存基址今日□  
僧特發重額牘建此殿奉報

國恩啓諸大衆以謂如何在會各各避席合掌加首言  
曰善哉翌日跣足禮化於□心時當凝□風霜遍體晨  
夕不怠人皆驚異師曰佛以財法二施化諸衆生所施  
無盡所報亦無盡諸佛子□能作是念福利無邊邑人  
以是知師行業樂施者繼踵不絕未久刻楮已施巧製  
丹楹載煥榮□佛像粧嚴百色具備壯麗當時斯 吾  
師之功也於天德四年正月十九日嚙菴無病示終于

本院火室春祿六十有五僧臘四十度弟子四人自證  
自成自悟自修是時弟子號慟居士涕零跪徹香華各  
申供養經五日神色不變容光轉怡邑人詣禮者雲集  
何啻千萬羅列威儀焚師于郊外盡獲舍利而歸衆議  
欲以浮圖法塔葬師于大殿之西南隅越明年秋有弟  
子自留者夙承口訓德業清貞幸諸善士共建茲塔追  
報法恩可予作銘以旌厥德銘曰

偉哉釋子 幼悟真空 落髮披緇 戒律精通 有  
大智慧 賢構興崇 粧嚴畢備 實師之功 六旬  
有五 無沃而終 海日未出 山月何矇 塔葬斯  
地 舍利其中 刻之銘之 昭示無窮

貞元元年歲次癸酉十月丙辰朔十五日庚午建師  
兄長老文奇

右經後舍利塔銘李口撰并書李君名已半浸滅僧  
文海無攷題名中有郭亮是亮字缺筆蓋避海陵名  
云

崔臯等造石香爐記

記刻座上高五寸八面每面廣四寸二分面各六行  
行六字正書貞元二年十二月十日造今在元氏縣  
開化寺羅漢殿前

真定府元氏縣東韓臺村奉

佛弟子崔臯同弟崔鳳女七娘新婦鄭氏孫男稱意特  
發願心捨自己財於本縣開化寺九間殿粧塑羅漢五

寺并龍堂院六師殿塑當陽佛二尊倒坐觀音懸壁內  
簪花莖共二坐石香爐三坐皆是崔阜白辦並不曾轉  
化他人分文錢物將斯功德追薦父崔望母韓氏亡兄  
崔興崔稔亡弟崔智亡妻朱氏亡男崔進新婦靳氏崔  
仙超昇淨土特發願心命工鑄造石香爐共三坐開化  
寺龍堂院永充供養口伸上祝

皇帝萬歲重口千秋國泰民安法輪常轉回恩三友法  
界衆生同登覺岸

大金貞元二年歲次甲戌十二月朔己卯十日戊子  
奉佛弟子崔阜建住持功德主沙門自悟

北白樓村賴廣

北程村趙進

常山安國錫造



男安潤見 同造人李善 九原小釋惠海書丹

右記釋惠海書丹九原金史地理志無此縣名太平  
寰宇記河東道忻州秀容縣本漢陽曲縣地漢末於  
此置九原縣知惠海是秀容縣人特書古地名耳崔  
臯安國皆見貞元元年海師舍利塔

邸村王石氏造玉石羅漢象題字

題字四行行六字正書正隆三年九月造  
今在正定府隆興寺大殿東羅漢殿內

邸村王石氏願管羅漢壹尊供養正隆三年九月日匠  
人李入

溫富等造石香爐記

記刻座上高九寸八面每面廣四寸行數字數不  
等正書大定三年九月二十一日造今在元氏縣

大金國真定府元氏縣南程村維那溫富特發願心管  
石香爐壹坐獨力難成化到龍泉鄉曹家庄衆維那楊  
望等同發願心置石香爐壹坐於即君廟內永爲供養  
伏願

皇帝萬歲重日千秋 國泰民安 風調雨順 時豐  
歲稔 永爲供養

大定三年歲次癸未壬戌月己酉日置  
人名不錄

右記正書溫富名見海師舍利塔記石匠安團爲獲  
鹿縣石邑鎮人攷石邑鎮府縣志不載當是因石邑  
故城而名魏書地形志石邑縣有石邑城史記正義

引括地志云石邑故城在恒州鹿泉縣南三十五里  
六國時舊邑元和郡縣志石邑縣北至州三十里本  
戰國中山邑漢於此置縣屬常山郡後漢至隋不改  
皇朝因之太平寰宇記石邑縣本中山之石邑故城  
在今縣西北謂之人文城隋開皇二年移定州之石  
邑縣於萬夏村置改屬恒州案漢志井陘山在石邑  
西當井陘口括地志謂在鹿泉縣南是也寰宇記謂  
至隋開皇間始遷治萬夏村據魏收志稱石邑縣有  
石邑城則後魏時已非故治矣今獲鹿縣西南有南  
故邑北故邑當是括地志所稱之石邑故城後魏以  
前之故城也縣東北亦有南故邑北故邑當是宋以

前之石邑縣治隋開皇中遷治之石邑故城也石邑至金始廢入獲鹿石邑鎮之名當是金時廢縣爲鎮耳諸人題名有稱引報及助緣維那者他刻罕見

趙同村福祥院尚書禮部牒并記

斷石高二尺一寸廣一尺九寸五分上載刻牒文十一行行字不等下載刻記十九行每行僅存七字並正書大定四年立今在元氏縣

尚書禮部牒

真定府元氏縣龍泉鄉趙同村住持尼道顯文妙狀告本院自來別無名額已納訖合着錢數乞立福祥院勘會是實須合賜者

牒奉

勅可特賜福祥院牒至准

勅故牒

大定二年九月初三日令史向昇主事安

中憲大夫行員外郎李

郎

中

鎮國上將軍行侍郎阿典

正奉大夫禮部尚書兼隸學承旨王

右士  
截

真定府元氏縣趙

下缺

翟曇氏典守西域

下缺

風教載陽於是

下缺

宮室徒衆叢

口

下常究其旨歸則尚

下缺

有助於政刑有唐

下缺

八十五區

恭惟

國家受天休命肇

下累聖相承歲穰俗

下爰詔郡縣凡

釋氏

下之惟趙同村實近

下淨刹殿宇脩潔尼

下若敬

里人故一唱

下院一日率耆耋來

下百年暫忽同趨變

下石用勸來者俾善

下將何以侈

上之賜傳於不

下槩云大定四年

下

右下

右碑上截禮部牒文下截記文殘缺福祥院方志失

載據牒文所載當在今元氏縣西趙同村案金史食

貨志云世宗大定五年上謂宰臣曰頃以邊事未定

財用闕乏自東南兩京外命民進納補官及賣僧道

尼女冠度牒紫褐衣師號寺觀名額今邊鄙已闕其  
悉罷之又陝西同官縣靈泉觀記云大定初王師南  
征軍須匱乏許進納以賜宮觀名額則嚮度牒賣寺  
觀名額乃大定初權宜之制以濟軍食是以五年後  
卽行停罷然食貨志又云承安二年賣度牒師號寺  
觀額又山東棲霞縣眞清觀有大安元年賜牒亦有  
納米請買之語是後世亦嘗踵而行之矣牒文列銜  
尊者居左卑者居右員外郎主事以上皆有姓無名  
郎中則有銜無姓員外郎令史皆有押有云正奉大  
夫禮部尚書兼隸學承旨王當是王競見金史文藝  
傳傳載競大定二年爲禮部尚書兼翰林學士承旨

蔚淥水盈池適然嘆曰真道場也堪與後人久遠作大  
依止乎泊南□□□□然無所置吾□之□何也今  
承□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□  
□不□□□敬受教□□□□□□□□□□□□□□□□  
□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□  
□□□□□□□□□□□□□□□□□□□□□□□□□□  
而逝於是四方俱至意無□象□□□□近□□□有壞  
梁之感壽年七十有八歲茶毗之日緇嚴□□人皆爭



挽肅整威儀僧丘成助哭嘯震地泣雨瀟塵送葬者千  
衆持服者百餘人閣維之處金光朗烈有異僧見足有  
青蓮分然出火薪焰未絕身骨未燼人皆爭取或藏懷  
袖或□囊橐如懷龍麝異香隨人既乃附素輿而歸尚  
分□黥次至本縣諸村邑衆及縣民吏豪家各持香花  
陳烈迎之乃葬院西北山之麓擇諸翠園彰其遺範為  
四方軌

具其行狀於叟求銘無媿寡聞謹以辭之言不盡陳復  
以銘曰

栖遲山谷 道化□□ 神色□異 縹緲非常 類  
衡陽跡 儔毗耶蹤 不言而化 非令而從 水歸

□海 星拱北辰 碧天孤月 青□□雲 達一源  
妙 知萬法根 法法咸真 事事皆空 即□□□  
即邊即中 毛含千海 芥納萬峯 公法神用  
□□□□ 所作已辨 大緣周畢 □□鄉路 踏  
平穩地 □□□□ 往而不迴 人懷愴戀 衆所  
失歸 建蘓偷婆 □□□儀 撥壞愚徒 長夜所  
依

大定十年正月十五日□□□□□□□□□□  
□□□連□

右下  
截

右碑上截七佛偈釋洪道書下截塔銘沙門智深撰

米義書洪道龍興寺僧見廣興大師經幢銘智深米  
義均無攷宋梁釋僧祐出三藏記集新集續撰失譯  
雜經錄第一之餘有七佛各說偈一卷七佛爲毗婆  
尸佛尸棄佛毗舍浮佛拘留孫佛拘那含牟尼佛迦  
葉佛釋迦牟尼佛偈爲中天竺沙門支彊梁樓所譯  
明嘉靖眞定府志海螺山在獲鹿縣西南山下有白  
鹿泉山之陽有巖巖有洞幽邃狀如門屋連續曰連  
珠洞金時賜額曰靈巖刻於洞上獲鹿縣志云山在  
縣西南十里許其山盤旋而上如海螺之狀因名下  
有連珠洞洞左有靈巖案金大定二年勅賜連珠洞  
爲靈巖院事詳大定十四年珠公和尚塔銘蓋卽納

錢買寺院名額之例也

洪福院尚書禮部牒并重修洪福院記

碑高五尺八寸廣二尺六寸上截刻牒文十三行行  
字不等行書下截刻記三十一行行三十二字額題  
勅賜洪福之院六字並正書有碑陰大  
定十三年七月十五日立今在元氏縣  
尚書禮部牒

真定府元氏縣屯里村尼文廣狀告本院

自來別無名額已納訖合著錢數乞立

洪福院勘會是實須合給賜者

牒奉

勅可特賜洪福院牒至准

勅故牒

大定二年十一月 印 日令史向昇 押 主事安 押

朝請大夫行太常丞權貞外郎劉 押

中憲大夫行貞外郎李

郎 中

侍 郎

正奉大夫禮部尚書兼翰林學士承旨知制誥修國史

王

右  
上  
載

大金貞定府元氏縣神岩鄉屯□□重修洪福院記

封龍□楊震 撰

常山□璧 書丹并題額

釋氏興於西域其詳始發於周而夢符於漢異僧遠至  
貝葉俱來傳譯師授宗派滋繁以至梁武親為演說李  
唐賓於卿署益見遵奉後宮室像設貲給調度達於  
郡邑光華侈大而不可揜僕嘗究其施□蓋昔君天下  
者右文為治首崇儒教唯釋氏能贊翼而成之且礼以  
明今刑以正邪明示賞罰使知出於礼則入於刑所以  
齊肅本行若夫林然之衆生而無知貪鄙暴戾根於所  
性詭譎隱密苟追明刑匪易峻革釋教則設因果之說  
以誘其善心懲其惡念導之避就所以警悟愚迷二者  
相資不可偏廢然釋氏之興衰常繫乎上之人一時所  
好尚而凡有營建必在其徒得人而維持之恒鎮之南

精利郊圻相望俯邑坤隅曠曰屯裏依山□□萬木環  
蔭民居顯敞中有佛宇松竹森列而制度卑隘僅庇風  
雨見之者歎然而□□改作會今主院尼文廣其姓孫  
氏內明慧而外剛斷悟世浮幻樞脫俗塵來自□□□  
地棲止過是而悅之乃駐錫興歎曰吾得居此當式新  
締構而大之或疑其言高及熟其行則持律至嚴食一  
鉢衣一衲之外未嘗以一毫妄取於人或有樂施則隨  
所得捨□視財賄易於棄唾終始如一匪久經業大就  
將赴選試諠皇統普授壇戒致夫內外遠迹翕然尊  
敬里之耆信郭玘等願心叶力助師特新殿宇用伸前

志帥請先售鄰田以質基址次立廬舍以便供饋然後鳩集群財選募良匠斤斧交興陶指脩設將舉衆工而師先禮縣城永陵寺尼諱名為師寺有鎔金像寶殿覆之兵火毀蕩暴露之久本寺徒衆列狀詣屬請師先主修殿事師為衆曰凡作大利益在我法中固無彼此要當以聖賢臨鑒為心口使纖塵淨習中則所嚮就乃以龍正村劉政劉錫等助緣獨任其責果見二殿工庸間作成於不日葦飛真震楹櫺燦日東之堅發貫以將梁規模瑋異凡目駭觀先後繼成雄麗式律由是衆大悅服

大定十年冬十一月

勅賜所居院為洪福傳之永久師念歲月過流易以遷



年後之居者昧茲始末不知晨夕焚誦日轉法輪仰答  
皇朝崇尚錫名洪恩則報稱奚從謹僕續文刊諸貞石  
榮其所賜期垂不朽迺飾蕪斐用勉來者

大定癸巳中元日謹記 陞山胡政刊

保義校尉商酒同監黃仁傑 徵事郎景城縣主簿權

簿尉王壽吉

忠武校尉商酒都監雲騎尉田德興 昭信校尉行主

簿飛騎尉楊仁

奉信校尉行縣尉飛騎尉高子正 宣威將軍行真定

府元氏縣令上騎都尉神麓郡開國子食邑五百戶大

重壽

右下

右碑上截牒文下載重修院記楊震撰□壁書並題  
額牒文之式與福祥院牒同牒尾有正奉大夫禮部  
尚書兼翰林院學士承旨知制誥修國史王者卽王  
競楊震無攷書碑人姓已殘泐大定二十四年無極  
縣整假堂記書者爲鄉貢進士李壁又金史馮壁傳  
云壁字叔獻真定縣人元好問中州集稱其字畫楚  
楚有晉魏間風氣雅爲閑閑公所激賞又壁傳云至  
大九年河南破北歸又數年卒年七十九是壁當生  
於海陵之末世宗之初立碑之時僅十餘歲耳况壁  
素號能書道山稱其有晉魏間風起而此記書體拙

純其非壁書可知或出李壁之手亦未可定記後紀  
年下有陘山胡政刊金史地理志河北西路威州天  
會七年以井陘縣升置陘山郡軍後爲刺史胡政係  
石師蓋井陘人也此後題名有宣威將軍行眞定府  
元氏縣令上騎都尉神麓郡開國子食邑五百戶大  
重壽案大氏風俗通大庭氏之後又大填大山稽並  
黃帝師大顙爲顙頊師禮記大連東夷之子兩唐書  
北狄傳渤海靺鞨大祚榮金史列傳有大懷貞大興  
國皆其後也重壽當是其族人又有奉信校尉行縣  
尉飛騎尉高子正攷大金國志金百官志武散官有  
承信昭信校尉而無奉信他碑亦罕見此銜非史之

缺略卽書碑人筆誤又有保義校尉商酒同監黃仁  
傑商酒都監雲騎尉田德興紫金百官志酒使司課  
不及二萬貫爲院務設都監同監各一員然謂之商  
酒則史志所無

碑陰

右方記文五行行書後題名十六行  
契文兩段八行行字不等並正書

竊以所居緣契根夫內行之勤無漏果圓資諸外護之  
力載念生生慾境變滅須臾汨汨迷津漂流宛轉祿壽  
終歸於有盡善曰永利□不窮既知獲果本於修因尤  
在崇因從而增果凡茲檀信共闢忱誠隨緣捨財力之  
餘方便助工庸之費歸然寶殿特敞精藍爰刻琬琰以

番名免逐塵埃而掩骨俾夫後嗣永作榮觀繼興首構  
之心同享降祥之福

題名不錄

今據郭□□本村盧全盧雲盧彥等處立到官契買到  
佛殿週圍地一段南北□計地一畝東至周□除七尺  
出入巷道為畔西至自己墻西倒板地已外為畔南至  
道北至自己散水已北以步已外為畔可四至內<sub>約缺</sub>  
屬賣數立契賣與本村衆人郭立等為主今來立等情  
願將已買到上件地土盡數施與本村洪福院尼文廣  
永遠為主見今收執官契自後文廣於郭立已施到地  
北邊更買了地□□□興工築□院墻了當久為照用

大朝中統四年正月十二日 本村廬大郎廬二郎將

自己村西陸地三畝南

約缺  
五字

外有□畝東至買主南

至道西北至賣主四至為定土木相連盡係賣

約缺  
五字

立契賣與本院尼李妙德為主是今收執官契久為

照用見人么五郎

下  
缺

題名不錄

右記無書撰人姓名記後題名郭五翁名圮者卽記  
中所稱里耆郭圮也盧道廬滿等亦皆稱某翁爲他  
碑所無其中里籍有題沃州贊皇縣觸山村張楞村  
中高村平定軍樂平縣在城及靜陽村者案贊皇縣  
志西北社有張楞村又有竹山村疑卽觸山之誤刑

郭社有西高村東高村中高當卽在此金史地理志  
河北西路平定州中刺史本宋平定軍大定二年升  
爲州興定二年爲防禦十一月復降爲刺郡縣二有  
樂平縣鎮一曰靜陽據志稱平定州於大定二年卽  
升軍爲州此碑猶書平定軍知爲大定二年所刻升  
州猶在立碑之後耳碑末有中統四年盧大郎等賣  
地契三行並重修佛殿題名一行契末有見人么五  
郎所云見人卽今之中見也此可知金元地契之式  
中統爲元世祖之始建元此蓋後來所刻